

Desk • FENA

FENA Novost: Ambasada SAD-a podržala Zimski debatni kamp o pomirenju

17/01/2017 • Komentariši • 133 Pregledi

2017-01-17 14:48:18

Ambasada SAD-a podržala Zimski debatni kamp o pomirenju

SARAJEVO, 17. januara (FENA) – Zimski debatni kamp čiji je osnovni moto “Svi različiti, svi jednaki”, a kojim se nastojalo ukazati na važnost međusobnog uvažavanja i suradnje, kao i na neophodnost poštivanja ljudskih prava svih građana Bosne i Hercegovine, održan je na Jahorini u periodu od 10. do 14. januara.

U kampu, koji je organizirao Centar za kulturu dijaloga uz podršku Ambasade Sjedinjenih Američkih Država (SAD) u BiH, učestvovali su srednjoškolci i profesori iz srednjih škola Federacije BiH, Republike Srpske i Brčko Distrikta.

Svoje predstavnike u kampu imali su Banja Luka, Brčko, Čelić, Donji Vakuf, Gradačac, Kladanj, Mostar, Novi Grad, Prijedor, Sarajevo, Srbac, Srebrenik, Tešanj, Tuzla te Travnik i Visoko.

Također, namjera je bila i ojačati mlade da dignu svoj glas i zagovaraju za promjene u društvu, postajući aktivno involvirani u neophodne obrazovne reforme i promjene u lokalnim zajednicama kroz saradnju sa svim relevantnim akterima.

Srednjoškolci i njihovi profesori razgovarali su o najaktualnijim temama o kojima se u bh. društvu rijetko, ili vrlo malo razgovara, a to su, između ostalih, ljudska prava, pomirenje, trajni mir u BiH, suradnja između bliskih lokalnih zajednica koje se nalaze u različitim entitetima, održivi mir te uloga mladih u kreiranju internetičkog pomirenja.


Održane su i edukativne i kreativne radionice u kojima su imali priliku otvoreno razgovarati o najrazličitijim temama i problemima. Srednjoškolci su posebno istakli važnost međusobnog uvažavanja, suradnje i prihvatanja drugih i drugačijih.

Također, održane su i natjecateljske aktivnosti, saopćeno je iz Centra za kulturu dijaloga.


(FENA) M.B.

<http://ift.tt/2j4Booi>

#vijesti



FENA Novost: Tenis – Rezultati
Australian Opena (1)



FENA Novost: Hrvatska i Bugarska
odblokirale Srbiju

Preporučujemo



Brljaonica • Muzika BiH • Show
Time
SPOMEN PLOČA
INDEXIMA... I GORČINA U
DUŠI



Muzika - regija • Show Time
DARKVUD, ILI –
PROVINCIJA NIJE MJESTO,
NEGO...